



David Bicentini.

## Remko i David a yega pa 'Fundashon Bicentini Street League'

WILLEMSTAD---Tabata ayera den oranan di anochi ku e konosido tékniko di futbòl, kende ta enkabesá tambe Fundashon Bicentini, Remko Bicentini a yega Kòrsou. Esaki kompañá pa su junior David.

Nan yegada ta pa durante di e dianan benidero, ta okupá ku nan proyekto, 'Fundashon Bicentini Street League'.

Un ke otro unda ku ta organisá kompetensianan entre muchanan di diferente bario riba nos isla. E in-

tenshon no ta pa solamente focus riba e parti di e deporte i ganamentu, pero tambe pa duna bèk na komunidad i guia nos hóbenan pa ta un mihó persona den nos komunidad, unda nan ta siña gana, pèrdè i tambe por traha konhuntamente i siña norma i balornan.



Remko Bicentini.

## Miembronan di FFK ku reunion krusial

WILLEMSTAD---Awe djaweps dia 11 april 2024, ta fecha riba kua lo tin un reunion krusial. Ta trata aki di un reunion di miembronan di FFK, den kual lo trata pa definitivamente yega na un desishon final, pa ku futuro di futbòl lokal.

Ta e intenshon pa tur organisashonnan miembro sin eksepsion ta representá, esaki sigur si di bèrdat nan tin e deporte rei futbòl riba nos isla, na pechu. E petishon ta pa speshalmente presidentenan òf un persona ku outorisashon pa por firma pa su organisashon, akudí na e reunion. Lo mira ku tur nanishi ta den mesun direkshon pa asina opta pa e mihó desishon pa ku futuro di nos futbòl.

## Real Rincon ku goliada

KRALENDIJK---E kampionnan di e último añanan, den futbòl na Boneiru, Real Rincon, a inisiá Kaya 6 di FFB ku un triunfo pa goliada. Esaki ayera ora ku nan a enfrentá e ekipo di Estrellas i a logra triunfo ku skor di 6-1.

Felix Verhaar (2x), Robert Frans ku 2 gol for di tiru liber, Lacey Pauletta i Piar for di un tiru penal, tabata esnan ku a anotá pa Real Rincon. Mientras ku Dangelo 'Panchèk' Damascus a salba honor pa Estrellas i Theodora a desperdisiá un oportunitat pa un gol mas. Esaki ora su tiru for di un tiru penal, a pasa riba lata.

## Futbolistanan YDK ta sigui detené

WILLEMSTAD---E 2 konosido futbolistanan YDK, ta sigui detené. Esaki despues ku ámbos a wòrdu detené, sigur mas ku 2 siman pasá.

Unu su detenshon a tuma lugá na Boneiru, pa posishon di arma di kandela, huntu ku mas futbolista di e ekipo ku el a bai pa reforsá. Mientras ku e hòmber gol di e último añanan, den futbòl lokal, ta detené na Kòrsou, pa maltrato i menasa di 'su amiga'.

## Staka i Watakeli den final klase A femenino

WILLEMSTAD---Ayer tabata e di 2 fecha di e serinan semifinal, mihó di 3 wega, den FeVoKo su kampionato di vòlibòl 2023/2024, den kategoria klase A.

Den femenino Stakamahachi i Watakeli ta logra

klasifiká pa final, despues di gana nan di 2 wega. Ámbos a logra triunfonan ku gran fasilidat ayera 3-0. Staka a gana i eliminá Shuatanari, mientras ku Watakeli ta eliminá Hurricane. Den kategoria maskulino, Montezuma ta gana di Watakeli 3-2,

pa empatá e seri i fòrsa e wega desisivo.

Mientras ku Stakamahachi ta eliminá Titus, ku un triunfo ku skor di 3-0, pa asina nan tambe pasa pa final i lo warda e ganadó di Montezuma i Watakeli su wega desisivo.



## DIA HABRI



djasabra  
13 di april 2024  
9 am - 2 pm

Adrès: Emancipatie  
Boulevard Dominico  
"Don" Martina 18

- ➔ Kurioso kiko ta pasa tras di kortina na Korte di Hustisia?
- ➔ Sera konosí ku e sistema hudisial. Ta bai tin presentashonnan interesante i tambe bo por eksperensiá un moot court!
- ➔ Sera konosí ku otro instansianan hudisial

Sea bo ta un studiante, un profeshonal den sektor hurídiko òf un ciudadano ku ta interesá pa risibí mas informashon, esaki ta e oportunitat pa siña, netwèrk i disfrutá di e eksperensia aki!

No laga e chens aki pasa bo bai!